

ATODLEN 7

PARTNERIAETHAU

RHAN 4

TRAFODIADAU SY’N YMWNEUD Â THROSLWYDDIADAU I BARTNERIAETH

Trosglwyddo buddiant trethadwy i bartneriaeth: swm y cyfrannau is

14 Pennir swm y cyfrannau is mewn perthynas â thrafodiad y mae paragraff 13 yn gymwys iddo fel a ganlyn—

Cam 1

Nodi’r perchennog neu’r perchnogion perthnasol (gweler paragraff 15).

Cam 2

Ar gyfer pob perchennog perthnasol, nodi’r partner neu’r partneriaid cyfatebol (gweler paragraff 16).

Os nad oes gan unrhyw berchennog perthnasol bartner cyfatebol, swm y cyfrannau is yw sero.

Cam 3

Ar gyfer pob perchennog perthnasol, canfod y gyfran o’r buddiant trethadwy yr oedd gan y perchennog hawl iddi yn union cyn y trafodiad.

Dosrannu’r gyfran honno rhwng unrhyw un neu ragor o bartneriaid cyfatebol y perchennog perthnasol.

Cam 4

Canfod yr isaf o’r canlynol (“y gyfran is”) ar gyfer pob partner cyfatebol—

- y gyfran o’r buddiant trethadwy sydd i’w phriodoli i’r partner (gweler paragraff 17);
- cyfranddaliad y partner yn y bartneriaeth yn union ar ôl y trafodiad.

Cam 5

Adio cyfrannau is pob partner cyfatebol.

Y canlyniad yw swm y cyfrannau is.